

# Die Here het dit gedoen!

**Lees hele** Psalm 22:23-32

## Inleiding

- Hoekom voel God soms so vêr en die plafon so naby?
  - Asof jy onder soveel druk is dat jy uitmekaar begin val
  - en dit voel nie of God omgee nie?
- Ek en jy ken dit...
- “My God, my God, waarom het U my verlaat!”.
  - Dis wat Dawid ook besluit het om een van sy liedere mee te begin.
- Hierdie Ou Testament Koning van Israel
  - word in Handeling 2:30 beskryf as profeet
  - wat in sy liedere eggo's gegee het van die toekoms (vgl. Hand 2:30)
- Die ooreenkomste van hierdie psalm
  - met die gebeure van Jesus se kruisiging
  - kan eenvoudig nie weg verduidelik word nie.
- Wanneer Jesus self aan die kruis hang
  - in daardie krisis van sy eie dood en uitroep ‘waarom’
  - - wil hy ons met die waarom-vraag terug ruk na hierdie psalm vir die antwoord.
- Jesus se uitroep aan die kruis: “My God, my God, waarom het U my verlaat” was nie 'n vraag nie.

- Dit was eerder 'n leidraad om by die antwoord op daardie vraag te kom.
- Dis soos jou kind wat vra wie alles gemaak het en jy begin met:
  - Daar's vissies in die water, kyk hoe swem hul rond....
  - en sy sing dan die liedjie self verder
  - en kom by die antwoord op die einde:
    - “Wie sou dit als gemaak het – die Here ja dis Hy.”
- Deur die eerste sin van hierdie Psalm aan te haal
  - was dit 'n baie slim manier
  - om soos weerlig die res van die psalm se inhoud deur die koppe van die luisterende Jode te laat skiet.
    - Want hulle het die psalms baie goed geken.
- Dit was Jesus se manier om die antwoord te gee
  - op die vraag oor sy dood...
  - ...en ook die rol van pyn/lyding en dood in ons eie lewens.
- Ons het Donderdag gesien die antwoord wat Jesus in die eerste helfte van die Psalm gee is
  - dat dit juis in die hartjie van die dood is, dat die lewe begin.
  - Deur Hom... maar ook in ons
- Dat wanneer jy in kwesbaarheid, weerloosheid en beheerloosheid
  - in onvermoë jouself oorgee aan God...

- jou nuwe lewe in verbintenis met Hom eers dan begin.
- wanneer Hy die leiding in jou lewe neem
- Dis wanneer ek desperaat oorgee
  - en in sy genade in val
  - dat ek agterkom dat ek daarin veilig is
    - ...dat 'n nuwe manier van lewe op my wag:
  - Uit Jesus, deur Jesus en vir Jesus.
- En hierdie nuwe manier van lewe is wat die tweede deel van die Psalm beskryf
  - – die gevolge daarvan as Jesus in my lewe opgestaan het.
  - Dis waarop ons vanoggend fokus
- Jesus wys ons hier [v23-32] dat so 'n nuwe lewe is:
  - 'n lewe van evangelie-praat
  - 'n lewe van evangelie-doen
  - met vêrreikende en omvattende gevolge
- Kom ons kyk...

### **'n Lewe van evangelie-praat [v24-25]**

- Die meeste van ons het al prentjies van allerhande fantastiese dele van die wêreld gesien.
  - Kom ons vat as voorbeeld Mauritius met sy blou water en wit strande.
  - Al het ons prentjies gesien
    - is nie een van ons regtig opgewonde aan die babbel oor Mauritius nie.
  - Maar wag tot jy iemand teëkom wat al daar was.

- Op daardie strande gestap het met sand tussen die tone
    - en in die skoonste water ooit geswem het.
  - Dan kan hulle nie ophou praat nie!
- Net so, kan jy net met opgewondenheid
  - oor Jesus en die evangelie praat
  - as jy jousef vanuit 'n persoonlike hoek daaroor kan verwonder.
- Dis die eerstehandse oorborrel reaksie op genade
  - wat ons in v24 sien.
  - Die persoon kan nie wag om ander se aandag op hierdie reddende Here te sit nie:
- Prys Hom – Halleluja – letterlik:
  - wees trots op Hom. Kyk net daar!
- Vereer Hom – letterlik:
  - Ag sy gewig. Erken gewigtige glorie.
- Betoon eerbied – letterlik:
  - verstom jousef oor Hom - awe
- Hoekom?
- Want God het die gemors gesien waarin ek is
  - maar nie sy neus opgetrek vir my
  - of om die gemors op te ruim nie.
  - Kan jy dit glo!
- [v25] – nie verontagsaam nie – gerig geskat nie – teruggetrek nie
- Elke Christen wat dit al oor hulle eie situasie beleef het

- – God se liefde ten spyte van my –
  - lewe met hierdie fassinerende verwondering oor God en die evangelie.
  - Net soos iemand wat al Mauritius toe was gaan jy êrens met iemand daarvoor moet praat.
- 'n Lewe uit Jesus, deur Jesus en vir Jesus
    - is een van evangelie-praat.

## **'n Lewe van evangelie-doen**

- Maar dit kan ook nie by praat bly nie.
  - Uiteindelik bring dit Christene by 'n evangelie-doen.
- Vers 27 beskryf hoe die persoon hier 'n offerete aanbied
  - waar die armes genoeg het om te eet
  - en mense wat God en sy wil gesoek het,
    - sal God prys as hulle te doen kry met wat hy bied.
- Evangelie-praat word ook evangelie-doen
  - wat opoffer tot voordeel van ander.
  - Dit gaan nie net oor iets vir die kerk te gee of met kerk goeters te help nie
- Dit gaan oor 'n lewens ingesteldheid van genade gee.
- Jy sal wil dat ander 'n voorsmaak van hierdie genade kry
  - al is dit deur jou eie lewenstyl van genade aan ander.

- Mense wat spartel om God te vind in die seer van hulle eie lewe,
  - sal Hom begin ontdek in hierdie genade opofferinge wat jy maak.
- Amper soos wat jy daardie mense in die winkels kry
  - wat 'n worsie op 'n stokkie uitdeel om die produk bekend te stel.
  - Maar in hierdie geval is die produk, God se genade.
  - En dis soms eers wanneer mense verkeerd met jou gemaak het wat jy eers kan kry om hierdie genade uit te deel
- 'n Lewe uit Jesus, deur Jesus en vir Jesus is een van:
  - evangelie-praat
  - en
  - evangelie-doen.
- Nie 'n moet nie! – dis 'n natuurlike reaksie!
  - En as jy dit nie ken nie
    - moet jy vra of jy ooit jouself sien soos jy is
    - en die wonder snap dat God genade vir iemand soos jy wil gee.

## **Omvattende en vêrreikende gevolge vir Vanderbijl**

- So evangelie-praat en evangelie-doen is nie
  - maar net sommer stokperdjie-goedjies vir oorywerige Christene nie...
  - as dit werklik gebeur soos dit bedoel is het dit vêrreikende en omvattende gevolge.

- Hierdie Psalm se profesie het nie opgehou by Jesus wat sou sterf en opstaan nie.
  - Dit dring deur tot by 5 April 2015
  - en totdat elke knie sal buig met die wederkoms!
  
- Die wêreld-geskiedenis van duisende jare bevestig die waarheid van vers 28,
  - wat sê hoe dit sal groei en versprei.
  
  - Van hoe hierdie eerste klompie Christene na Jesus se opstanding
    - met evangelie-praat en evangelie-doen besig was
  - tot waar mense vandag nog in Vanderbijl begin om
    - God te erken,
    - hulleself te bekeer,
    - in sy liefde rus
    - en Hom ook begin dien
      - met 'n lewe van evangelie-praat en evangelie-doen.
  
- Baadaie vêrreikend in tyd....
  - .... en
- omvattend in verskeidenheid:
  
- Vers 30 sê dat God en sy genade nie net
  - vir die ekonomies arm mense van die lewe is nie
  - – maar dat selfs mense met baie geld dit sal vind:
    - suksesvolle besigheidsmense, akteurs, musikante en Presidente.
  
- As jy om jou kyk vandag dan is dit so,

- arm en ryk het al hierdie evangelie-praat-en–doen offers van Christene geproe
- en hulle knie voor die Koninklike majesteit agter die evangelie buig.
- En die reddings boodskap sal aangaan van geslag tot geslag tot geslag,
  - sê die laaste vers in 'n hoogtepunt
  - dat mense altyd sal erken oor my hulpelose situasie en Jesus:
    - Die Here het dit gedoen.

## Slot

- Hoekom was Jesus verlaat?
- Hoekom voel jy soms verlate?
- “My God, my God, waarom het U my verlaat?”... dis nie 'n vraag nie...
  - Dit was eerder 'n leidraad om by die antwoord op daardie vraag te kom.
- Ken jy hierdie pad van Psalm 22?
  - Het jy al in jou radeloosheid jou op God se genade in Jesus verlaat?
  - Sy leiding begin volg?
  - Het jy al die nuwe lewe wat daaruit spruit begin geproe?
- In die hartjie van die dood kom die lewe...
  - ...en begin ons 'n lewe...uit Hom, deur Hom en vir Hom.



- 'n Lewe van evangelie-praat,
- evangelie-doen,
- verrykend en omvattend
- dat vir 'n mens soos ek,
  - het **die Here** dit gedoen.

**Amen**

Griffel van Wyk  
Trinitas  
5 April 2015  
Opstanding Sondag